

Na osnovu Odluke Direktora Fonda za zaštitu okoliša FBiH broj: 123-P/10 od 19. 07. 2010. godine, Direktor Fonda raspisuje

## **JAVNI OGLAS**

### **za izražavanje interesa za imenovanje na listu stalnih eksternih eksperata**

Fond za zaštitu okoliša Federacije Bosne i Hercegovine je neprofitabilna javna ustanova čija je djelatnost prikupljanje i distribucija finansijskih sredstava za zaštitu okoliša na teritoriji Federacije, poticanje i finansiranje pripreme, provedbe i razvoja programa, projekata i sličnih aktivnosti u području očuvanja, održivog korištenja, zaštite i unapređenja stanja okoliša i korištenja obnovljivih izvora energije.

Ovim oglasom Fond poziva individualne stručnjake, eksperte za davanje stručnih mišljenja, procjena, proračuna ili drugih radnji iz pojedinih naučnih oblasti koje su od važnosti za efikasno djelovanje Fonda, da dostave svoja pisma interesa za imenovanje na listu eksternih eksperata.

### **1. Opis**

Eksterni eksperti daju stručna mišljenja, procjene, proračune ili druge radnje iz pojedinih naučnih oblasti, a koje su od važnosti za Fond.

Osobe imenovane na listu će po potrebi, a u dogovoru sa Fondom, obezbjeđivati stručno mišljenje, procjenu, proračun ili drugu radnju u svrhe efikasnijeg, ekspeditivnijeg i kvalitetnijeg rada Fonda, za šta im pripada odgovarajuća naknada.

Stavljanje na listu ne povlači bilo kakvu naknadu. Naknada pripada ekspertu samo po osnovu stručnog mišljenja, procjene, proračuna ili druge radnje za koju ga angažuje Fond.

Visina naknade će biti određivana po pojedinačnom poslu, a isplaćivana na osnovu ugovora o djelu.

## 2. Uslovi

Stalni eksterni ekspert mora ispunjavati sljedeće uslove:

1. Da je državljanin BiH;
2. Da je nosilac univerzitetske diplome, diplome magistra nauka ili doktora nauka;
3. Da je osoba sa dokazanim profesionalnim sposobnostima, te da uživa glas ekspeditivnog vrhunskog stručnjaka u određenom naučnom području;
4. Da je ranije vodila određeni broj projekata ili učestvovala u istima, a čiji cilj je bio zaštita okoliša;
5. Da je osoba koja se odlikuje integritetom, te visokim moralnim i etičkim kvalitetama;
6. Da poznaje stanje u BiH po pitanju ekologije.

Uslove pod rednim brojevima 1, 2 u prijavi je potrebno potkrijepiti ovjerenim kopijama diploma ne starijim od 3 mjeseca.

Uz navedeno, potrebno je priložiti iscrpnu biografiju.

Fond će, pored navedenih uslova, prilikom ocjenjivanja kandidata, uzimati u obzir i:

1. Naučne radove;
2. Dokaze o učestvovanju u organizovanim oblicima usavršavanja;
3. Pisma preporuke od strane pravnih lica za koje kandidat radi ili je radio, sa kojima je saradivao ili za njih obavljao određene radnje, izrađivao projekte ili na neki drugi način učestvovao u aktivnostima u vezi sa zaštitom okoliša;
4. Druge stručne osobine i fakte od važnosti za oblast zaštite okoliša.

Kandidati koji ispunjavaju navedene uslove, a za koje Fond odluči da bi njihovo znanje i vještine u budućnosti mogle biti od koristi za djelatnost Fonda, će biti imenovani na listu, te o tome biti pismeno obaviješteni.

Prijave se mogu slati poštom na adresu:

Fond za zaštitu okoliša Federacije BiH

Hamdije Čemerlića 2

71 000 Sarajevo

sa naznakom "Za Javni oglas za izražavanje interesa za stavljanje na listu stalnih eksternih eksperata".

Nepotpune i neuredne prijave, Fond neće uzimati u obzir.

Ovaj Javni oglas se objavljuje u dnevnim listovima "Oslobođenje", "San", Službenim novinama FBiH, kao i na web stranici Fonda za zaštitu okoliša Federacije Bosne i Hercegovine:  
<http://www.fzofbih.org.ba>